

یوحنا ی دۆمین نامه

۱

ا شیخی جا،

به محترم خانم و وی و چيله گه 'حقیقتی' دله و شونه دوس دارمه - و نا فقط
مین، بلکه دشته اونانیکه حقیقت بشناسینه - ^۲ اون حقیقتی خاطری گه امه
دله دیره و تا ابد امه همرا مونه.

^۳ فیض و رحمت و سلامتی از طرف خدای پیر و از طرف عیسی مسیح، اون
پیری ریکا، حقیقت و محبتی دله امه همرا مونه.

محبت و حقیقتی دله زندگی هاگردن

^۴ مین خیلی خشال بومه گه بفهمسمه بعضی از تی و چيله طبق همون حکمی
گه پیری جا بیتمی، 'حقیقتی' دله زندگی کینه. ^۵ آسا، عزیز خانم، تیجا یته
درخواست دارمه. نا اونگه یته تازه حکم تینه بنویسم، بلکه همون حکم گه از اول
داشتی، گه همدیر محبت هاکنیم. ^۶ و محبت هیینه گه اما طبق وی احکام
زندگی هاکنیم. آره، همونجور گه از اول بشناسنی وی حکم هیینه گه محبتی دله
زندگی هاکنین.

^۷ چون دنیایی دله خیلی حق باز آدمین درنه، گه وشون اعتراف نکینه عیسی
مسیح آدمی جسمی دله بيمو. هینجور آدم، همون حق باز و ضد مسیح.
^۸ هوشیار ووئین تا اون کاری ثمره گه اما هاگردمی ره به باد ندین، بلکه یته
پاداش کامل بیرین. ^۹ هر کسی گه مسیحی تعلیمی جا پشتر بوره و اونی دله ثابت
نمونه، خداره نارنه. هر کسی گه اون تعلیمی دله ثابت بمونه، هم پیر ره دارنه و
هم ریکا ره دارنه. ^{۱۰} آگه کسی شمه ور بیه و هین تعلیم نیاره، وره شی خینه راه
ندین و وره خش بيموئی نئین؛ ^{۱۱} چون اونیکه وره خش بيموئی بئه، وی شریر

آعمالی دِلہ شریک ووٰہ.

سرآخر

۱۲ ہر چن خیلی چیزا دارمہ گہ شمسہ بنویسم، ولی نخایمہ مرگب و کاغذی
ہمرا ووہ. بلگی امید دارمہ شمہ ور بیئم و رو در رو گب بزیم تا آمہ خشالی
کامل بوون.

۱۳ تی محترم خاخری وچیلہ، تنہ سلام رسانہ. [آمین!]

